

Na osnovu člana 32. i 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. stav 1. i člana 81. Poslovnika Općinskog vijeća, Općine Velika Kladuša („Službeni glasnik Općine Velika Kladuša“, broj:12/11 i 4/21), Općinsko vijeće Općine Velika Kladuša, na tematskoj sjednici, održanoj dana 09.06.2021. godine, donijelo je

## ZAKLJUČAK

### I

1. Općinsko vijeće Općine Velika Kladuša traži od Ministarstva unutrašnjih poslova USK-a, da u saradnji sa Ministarstvom sigurnosti BiH i Federalnom upravom policije, ojačaju kadrovske i materijalne kapacitete IV Policijske uprave Velika Kladuša, radi poboljšanja sigurnosne situacije na području Općine.
2. Pozivaju se svi relevantni faktori, organi vlasti i institucije koji su uključeni u proces upravljanja migracijama na dosljedno poštivanje usvojenih međunarodnih konvencija o ljudskim pravima.
3. Tražimo od nadležnih institucija sistematičniji pristup u rješavanju pitanja migracija, koji podrazumijeva uključenost i saradnju lokalne zajednice i nadležnih kantonalnih institucija sa Ministarstvom sigurnosti BiH.
4. Tražimo od Ministarstva sigurnosti BiH da odredi kvotu broja korisnika kampova/centara recipročno broju stanovnika svake lokalne zajednice u BiH.
5. Poziva se Ministarstvo sigurnosti BiH, odnosno Služba za poslove sa strancima da uspostavi i intenzivira saradnju sa općinom Velika Kladuša.
6. Traži se od Službe za poslove sa strancima, Međunarodne organizacije za migracije (IOM) i IV Policijske uprave Velika Kladuša, da redovno informiraju Općinsko vijeće i Općinskog načelnika o stanju u privremenom kampu „Miral“ i omoguće pristup istom od ovlaštenih predstavnika Općine i Općinskog vijeća općine Velika Kladuša.
7. Traži se od Ministarstva sigurnosti BiH i Državne granične službe BiH, da intenziviraju napore na dokumentovanju i sprečavanju nelegalnog vraćanja migranata iz Republike Hrvatske na područje BiH.
8. Tražimo od nadležnih institucija evidentiranje i izradu registra humanitarnih organizacija i njihovih volontera koji djeluju na području Općine Velika Kladuša, a radi efikasnije kontrole i koordinacije upravljanja procesom migracija.
9. Tražimo kontinuiran inspeksijski nadzor nad pravnim i fizičkim licima koja pružaju usluge organiziranog smještaja, ishrane i prijevoza migranata.
10. Traži se od Vlade FBiH i Federalnog parlamenta da u budžetu za 2022. godinu osiguraju sredstva, u iznosu ne manjem od 0,2 % budžeta za pomoć općinama i gradovima u kojima je smješten najveći broj migranata.
11. Pozivamo nadležne organe i institucije na poduzimanje aktivnosti u vezi sa zatvaranjem privremenog kampa Miral i izmještanje migranata iz urbanog područja, te hitno zatvaranje ostalih nekontrolisanih lokacija na kojima se migranti nalaze (Bosanska Bojna, Gradina, Trnovi, Šiljkovača i druge.)

12. Zadužuje se Općinski pravobranilac općine Velika Kladuša, da pokrene proceduru naplate troškova od nadležnih institucija BiH i međunarodnih organizacija, a sadržanih u rekapitulaciji vanredno nastalih troškova pojavom migranata, po JKUP „Komunalije“ d.o.o. od 01.02.2018. do 31.05.2021. godine, a kao rezultat kontinuiranog održavanja objekata i uređaja komunalne infrastrukture i organizacije javne higijene u vanrednim uvjetima prouzročnim migrantskom krizom.

## II

Ovaj zaključak stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Admil Mulalić, s.r.

Broj: 01-04-260/21  
Velika Kladuša, 09.06.2021. godine

---

# **SADRŽAJ**

## **OPĆINSKO VIJEĆE**

1. Zaključci sa Tematske sjednice Migrantska kriza..... 1